

ՎՐԱՍՏԱՆ - ԻՍՐԱՅԵԼ

ԸՆԴԳԾՎԵՑ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԻ ԱԿՏԻՎԱՑՄԱՆ ԱՆՀՐԱԺԵՇՏՈՒԹՅՈՒՆԸ



Վրաստանի վարչապետը համոզիպում ունեցավ նաեւ Երուսաղեմի Սուրբ քաղաքի եւ Համայն Պաղեստինի Պատրիարք Ֆեոֆիլ Երորոդի, Իսրայելում վրաց համայնքի ներկայացուցիչների հետ:

Այցի շրջանակներում, Վրաստանի վարչապետը հարգանքի տուրք մատուցեց Հոլոքոստի զոհերի հիշատակին, այցելեց Երուսաղեմի Խաչի մենաստան:

Վրաստանի վարչապետ Գիորգի Կվիրիկաշվիլու եւ Իսրայելի

Հուլիսի 24-25-ին, Վրաստանի վարչապետ Գիորգի Կվիրիկաշվիլին, պաշտոնական այցով գտնվում էր Իսրայելում: Այցի շրջանակներում, Վրաստանի կառավարության ղեկավարը հանդիպում ունեցավ Իսրայելի վարչապետ Բենիամին Նեթանյահուի, Իսրայելի նախագահ Ռեուվեն Ռիվլինի, Քնեսետի նախագահ Յուլի Էդելշտայնի, Քնեսետում ընդդիմության լիդեր Իսահակ Հերցոգի հետ:

Լի վարչապետ Բենիամին Նեթանյահուի հանդիպմանը կողմերը քննարկեցին երկու երկրների միջեւ ապրանքաշրջանառության աճի դինամիկան: Առանձնակի ուշադրություն հատկացվեց տնտեսական երկկողմ հարաբերությունների ակտիվացմանը: Վրաստանի կառավարության ղեկավարը (Շարունակությունը՝ 2-րդ էջում)

ԴԻՐՔՈՐՈՇՈՒՄ

ԻԼԻԱ ԵՐԿՐՈՐԴ. «ՆՈՒՅՆԸ ԿՐԿՆԵՆՔ ՄՅՈՒՄ ՏԱՐԱԾԱՇՐՋԱՆՆԵՐՈՒՄ»

ԺԱՄԱՆԱԿԱԿԻՆՆԻ ՆՈՐ ՀՅՈՒՄՆՈՅ՝ ՀԱՄԱՅՆ ՎՐԱՍՏԱՆԻ ԿԱԹՈՂԻԿՈՍ-ՊԱՏՐԻԱՐԻ ՎՅՈՐԵՆԻՔՈՒՄ

Հուլիսի 22-ին, Համայն Վրաստանի Կաթողիկոս-Պատրիարք Իլիա Երկրորդի հայրենիքում՝ Սնո գյուղում, Ստեփանծմինդայից 5 կմ հեռավորության վրա, բացվեց եկեղեցու հավատացյալների հանգանակության կառուցված ջրա աստղանի հյուրանոց: Երեսուներորս տեղանոց հյուրանոցը բացվեց Հիոլա Ղուղուշաուրու անվան մշակույթի եւ հոգեւորականության կենտրոնում:



Հյուրանոցի բացման արարողությանը ներկա էին Համայն Վրաստանի Կաթողիկոս-Պատրիարք Իլիա Երկրորդը, Վրաստանի նախագահ Գիորգի Մարգվելաշվիլին, վարչապետ Գիորգի Կվիրիկաշվիլին, խորհրդարանի նախագահ Իրակլի Կոբախիձեն, պաշտոնական այլ անձինք:

Ելույթ ունենալով բացման արարողությանը՝ Կաթողիկոս-Պատրիարքը հայտարարեց. - Մենք չպետք է մտածենք այն մասին, թե ով մեզ կօգնի, այլ մտածելու ենք այն մասին, թե ինչ ենք անելու, ինչ ենք հանձնելու հայրենիքին: Եվ ես ցույց տվեցի դրա օրինակը:

ԳԻՈՐԳԻ ԿՎԻՐԻԿԱՇՎԻԼԻ. «ԱՇԽԱՐՀԱԿԱՆԱՑՈՒՄՆ ԱՐԴԻ ՎՐԱՍՏԱՆՈՒՄ ԱՆՀԱՄԱՏԵՂԵԼԻ Է»

Ելույթ ունենալով Սնո կիրճում նոր հյուրանոցի բացման արարողությանը՝ Վրաստանի վարչապետ Գիորգի Կվիրիկաշվիլին Վրաստանում իշխանության եւ եկեղեցու միջեւ ձեւակերպված հարաբերությունների մոդելն անվանեց «բացառիկ»: Վարչապետի համոզմամբ, արդի Վրաստանի համար «անհամատեղելի» է այն դրույթը, ըստ որի, կառավարությունը գործելու է եկեղեցուց բաժանված: Միաժամանակ նշեց, որ այդ երկու ծյուղերը միմյանցից անկախ են:

- Չնայած, որ այսօր պետությունն ու եկեղեցին միմյանցից անկախ են, Վրաստանում աշխարհականացումը (սեկուլյարիզմը)

իր դասական իմաստով անհամատեղելի է: Գտնում եմ, որ մեր պետությունում գործող մոդելը բացառիկ է ողջ աշխարհում,- հայտարարեց կառավարության ղեկավարը եւ հավելեց, որ եկեղեցին վիթխարի ուժ ունի, որի շնորհիվ

տարարեց կառավարության ղեկավարը եւ հավելեց, որ եկեղեցին վիթխարի ուժ ունի, որի շնորհիվ (Շարունակությունը՝ 2-րդ էջում)

ՕՐԵՆԱԴՐԱԿԱՆ

ԼԱՐՎԱՏ ԴԻՄԱԿԱՅՈՒԹՅՈՒՆԻՅ՝ ՀԵՏՈ, ԽՈՐՀՐԴԱՐԱՆԱԿԱՆՆԵՐԸ ՆԱԽԱԳԱՆԱԿԱՆ ՎԵՏՈՆ ՀԱՂԹԱՀԱՐԵՅԻՆ

Հուլիսի 27-ին լարված դիմակայությունից հետո, Վրաստանի խորհրդարանական մեծամասնությունը հաղթահարեց երկրի նախագահի բոլոր երեք վետոները: 2014 թվականից դա նախագահի 7-րդ վետոն է, որն հաղթահարվում է:

Հատկանշական է, որ քվեարկությունից առաջ, խորհրդարանի նախագահ Իրակլի Կոբախիձեի եւ նախագահի խորհրդարանական քարտուղար Ան-

նա Դոլիձեի միջեւ տեղի ունեցավ սուր բանավեճ: Խոսնակը խորհրդարանական քարտուղարին մի (Շարունակությունը՝ 2-րդ էջում)

նա Դոլիձեի միջեւ տեղի ունեցավ սուր բանավեճ: Խոսնակը խորհրդարանական քարտուղարին մի (Շարունակությունը՝ 2-րդ էջում)

ՎՐԱՍՏԱՆ - ՀԱՅԱՍՏԱՆ

ԴԻՎԱՆԱԳԻՏԱԿԱՆ ՀԱՐԱԲԵՐՈՒԹՅՈՒՆՆԵՐԻ ՀԱՍՏԱՏՄԱՆ 25-ԱՄՅԱԿԸ

Վրաստանի փոխվարչապետ, արտաքին գործերի նախարար Միխեիլ Ջանելիձեն եւ Հայաստանի արտաքին գործերի նախարար Էդվարդ Նալբանդյանը ուղերձներ են փոխանակել՝ Վրաստանի եւ Հայաստանի միջեւ դիվանագիտական հարաբերությունների հաստատման 25-ամյակի առթիվ:



Վրաստանի ԱԳ նախարարն իր ուղերձում նշում է, որ ավելի քան երկու տասնամյակի ընթացքում, անկախության ձեռքբերումից հետո, Վրաստանն ու Հայաստանը զարգացրել են փոխըմբռնման եւ ընդհանուր շահերի վրա հիմնված հարաբերություններ:

Միխեիլ Ջանելիձեն գոհույնակությամբ նշում է, որ առկա միջպետական սերտ հարաբերություններն ամբողջովին արտացոլում են ժողովուրդների միջեւ ավանդական բարեկամությունը, որը կառուցված է ամուր (Շարունակությունը՝ 2-րդ էջում)

ՀԱՄԵՐԳ՝ ՆՎԻՐՎԱՏ ԴԻՎԱՆԱԳԻՏԱԿԱՆ ՀԱՐԱԲԵՐՈՒԹՅՈՒՆՆԵՐԻ ՀԱՍՏԱՏՄԱՆ ՀՈՐԵԼՅԱՆԻՆ

Հուլիսի 25-ին, Երեւանում տեղի ունեցավ Թբիլիսիի «Ռուսթավի» երգի եւ պարի պետական ազգային համույթի համերգը՝ նվիրված հայ-վրացական հարաբերությունների 25-ամյակին: Հայաստանում Վրաստանի արտակարգ եւ լիազոր դեսպան Գիորգի Սազանելիձեի խոսքով, համերգը Վրաստանի կառավարության կողմից նվեր է Հայաստանի քաղաքացիներին:

- Կարծում եմ՝ հանդիսատեսը մեծ բավականություն ստացավ այս համերգից, եւ դա ամենակարեւորն է: Մշակութային ոլորտում մենք պետք է ավելի զարգացնենք

մեր հարաբերությունները, որոնք ավելի կամրապնդեն երկու երկրների համագործակցությունը: Սա նաեւ լավ հնարավորություն է նոր (Շարունակությունը՝ 2-րդ էջում)

ՀԱՅԱՍՏԱՆՅԱՆ ՄԱՍՈՒԼԻՑ

ՋԱՎԱԽԱՅԱՅԵՐԻ ԻՆՏԵԳՐՄԱՆ ԳՈՐԾԸՆԹԱՑԸ ՀԱՋՈՂ Է ԸՆԹԱՆՈՒՄ

Չոր ուշադրությանն ենք մերկայացնում Երեւանյան «Առավոտ» թերթի հուլիսի 11-ի համարում զետեղված հոդվածը՝ նվիրված երկրի հասարակական կյանքում ջափախախության ինտեգրման գործընթացին:

Վրաստանի Սամցխե-Ջավախեթիի նահանգը, հատկապես նրա հայաբնակ հատվածը, շատ ավելի է ինտեգրված վրացական պետությանը, քան քսան կամ տասը տարի առաջ, սակայն դեռ ճանապարհ կա անցնելու: Բարեբախտաբար, անցել են ԽՍՀՄ ժամանակները, երբ Ջավախեթի կարելի էր այցելել ներքին «վիզայով»: Սահմանամերձ տարածաշրջանը կտրված էր թե՛ Վրաստանից, թե՛ Հայաստանից, նրա «մայրաքաղաքը» ռուսական գործառնա էր, իսկ մարդիկ ապրում էին, կարծես, ինչպես «գորամասին կից» տեղական բնակչություն: Դա էր Մոսկվայի կողմից հաստատված կարգը:

Վրաստանի անկախացմամբ իրողությունները փոխվեցին, շատ խոչընդոտներ վերացան. տարածաշրջանը բացվեց արտաքին աշ-

խարհի համար, հաստատվեցին շուկայական հարաբերություններ, ժողովրդավարացման գործընթացը, ժողովրդավարական տեղական ինքնակառավարման համակարգի արմատավորումը տարածաշրջանում լայն հնարավորություններ բացեցին: Սակայն, ի հայտ եկան նոր խնդիրներ, որոնք բխում են որոշ իրողություններից. Ջավախեթի հայությունը տասնամյակներով միայն ֆորմալ առումով էր ընկալվում Վրաստանի մասը լինելու փաստը, քչերն էին տիրապետում վրացերենին, ինչը, եթե որոշ առումով օրինաչափ էր խորհրդային կայսրության պայմաններում, ապա անկախ Վրաստանի պարագայում տարածաշրջանը դուրս էր թողնվում պետության զարգացման գործընթացից եւ «կոնսեր- (Շարունակությունը՝ 4-րդ էջում)

ՎՐԱՍՏԱՆ - ԻՍՐԱՅԵԼ

ԸՆԴՊԾՎԵՑ ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԻ ԱԿՏԻՎՑՄԱՆ ԱՆՀՐԱԺԵՇՏՈՒԹՅՈՒՆԸ

(Սկիզբը՝ 1-ին էջում)

վարը ողջունեց իսրայելական ընկերությունների շահագրգռվածությունը՝ Վրաստանում ներդրումներ իրականացնելու հարցում, եւ պատրաստակամություն հայտնեց ցուցաբերել հնարավոր աջակցություն: Հանդիպմանն առանձնակի ուշադրություն հատկացվեց նորամուծությունների եւ տեխնոլոգիաների ոլորտում համագործակցության հարցին: Վարչապետը քննարկեցին նաեւ անվտանգության ոլորտում հնարավոր համագործակցության հեռանկարները:

Հանդիպման ավարտին, Վրաստանի վարչապետ Գիորգի Կվիրիկաշվիլին Բե-

նիամին Նեթանյահուին հրավիրեց Վրաստան: Հրավերը շնորհակալությամբ ընդունվեց:

Երուսաղեմի Սուրբ քաղաքի եւ Համայն Պաղեստինի Պատրիարք Ֆեոֆիլ Երրորդի հետ հանդիպանը, Վրաստանի վարչապետ Գիորգի Կվիրիկաշվիլին պարզեցնեց Ոսկե Խաչով՝ թագով ու աստղով: Նշենք, որ Երուսաղեմի Պատրիարքի նման բարձր պարգևը պաշտոնատար անձին շնորհվել է առաջին անգամ:

Իսրայել կատարած պաշտոնական այցի ընթացքում՝ վարչապետի գլխավորած կազմում էին փոխվարչապետ, արտաքին գործերի նախարար Միխեիլ Ջանելիձեն, արտաքին քաղաքական հար-



Գեորգի վարչապետի խորհրդական Թեոդ Ջափարիձեն:

ԴԻՐՔՈՐՈՇՈՒՄ

ԳԻՈՐԳԻ ԿՎԻՐԻԿԱՇՎԻԼԻ. «ԱՇԽԱՐՀԱԿԱՆԱՑՈՒՄ ԱՐԴԻ ՎՐԱՍՏԱՆՈՒՄ ԱՆՀԱՄԱՏԵՂԵԼԻ Է»

(Սկիզբը՝ 1-ին էջում)

հիվ, դարեր շարունակ վրաց ժողովուրդը կարողացել է պահպանել իր առանձնահատկությունը:

Հիշեցնենք, որ, այսօրվա դրությամբ, Վրաստանում եկեղեցին եւ պետությունը միմյանցից անջատված են, թեպետ 2002 թվականին կառավարու-

թյան եւ եկեղեցու միջեւ ձեւակերպվեց սահմանադրական համաձայնություն՝ կոնկորդատ, որով ընդգծվում է երկուսն Ուղղափառ եկեղեցու բացառիկ դերը: Այդ փաստաթուղթը մասնավորապես կարգավորում է պետության եւ եկեղեցու գույքային հարաբերությունը: Դրա համաձայն, Վրաց Ուղղափառ եկեղեցին օգտվում է հատուկ

կարգավիճակից եւ որոշակի արտոնություններից: Ավելացնենք, որ ընդդիմությունը բազմիցս կառավարությանը կոչ է արել վերանայել եկեղեցու ֆինանսավորման կարգը՝ նշելով, որ, կոնկորդատի ձեւ-



կերպումից հետո, Վրաց Ուղղափառ եկեղեցուն փոխանցվել է նշանակալի նյութական միջոցներ ու անշարժ գույք:

ՕՐԵՆԱԴՐԱԿԱՆ

ԼԱՐՎԱԾ ԴԻՄԱԿԱՑՈՒԹՅՈՒՆԻՅ ՀԵՏՈ, ԽՈՐՀՐԱՐԱՆԱԿԱՆՆԵՐԸ ՆԱԽԱԳԱՀԱԿԱՆ ՎԵՏՈՆ ՀԱՂԹԱՀԱՐԵՅԻՆ

(Սկիզբը՝ 1-ին էջում)

քանի անգամ արգելեց ամբիոնից հայտարարություններ անել: Բացահայտ դիմակայությունն սկսվեց այն բանից հետո, երբ Իրակլի Կոբախիձեն, ինքնակառավարման օրենսգրքում փոփոխության հարցով, քննադատեց նախագահական վետոն: Դոլիձեն խոսնակին մեղադրեց պետության ղեկավարին վարկաբեկելու մեջ: Կոբախիձեն ընդհատեց Դոլիձեի ելույթը եւ սկսեց ապացուցել, որ նա հանրային ծառայող է եւ իրավասու չէ կատարելու քաղաքական հայտարարություններ:

Վերջին հաշվով, նախագահական բոլոր երեք վետոները հաղթահարվեցին 94 կողմ, 5 դեմ ձայներով:

Հիշեցնենք, որ Վրաստանի նախագահ Գիորգի Մարգվելաշվիլին վետո էր դրել ընտրական օրենսգրքի եւ ինքնակառավարման օրենսգրքի փոփոխությունների վրա: Վրաստանի նախագահը վերոնշյալ օրինադրագծերը, իր հիմնավորած դիտողությունների հետ միասին, ուղարկել էր երկրի խորհրդարան:

Ինքնակառավարման օրենսգրքում կատարած փոփոխությունների համաձայն, ինքնակառավարման քաղաքների թիվը 12-ից նվազեցվել է մինչեւ 5-ը: Իսկ ինչ վերաբերում է ընտրական օրենսգրքին, ապա նախագահը համաձայն չէ այն նոր դրույթին, ըստ որի՝ սահմանվում է Կենտրոնական ընտրական հանձնաժողովում կուսակցությունների ներկայացուցիչներ

րի նշանակումը: Նոր դրույթի համաձայն, դա կախված է լինելու խորհրդարանական վերջին ընտրություններին կուսակցությունների կողմից ստացած ձայների քանակությանը: Ներկայումս գործող կարգի համաձայն, ԿԸՀ-ում կուսակցությունների ներկայացուցիչների նշանակումը կախված է՝ պետական բյուջեից ստացվող ֆինանսավորման չափի հետ:

Վրաստանի նախագահը վետո էր դրել նաեւ խորհրդարանի կողմից ընդունած այն օրինադրագծի վրա, որը նախատեսում է ինքնակառավարման քաղաքների եւ համայնքների սակրեբուլոնների նոր ձեւավորմանն ու սակրեբուլոնի մեծամասնական պատգամավորների թվի ավելացմանը:

ՎՐԱՍՏԱՆ - ՀԱՅԱՍՏԱՆ

ԴԻՎԱՆԱԳԻՏԱԿԱՆ ՀԱՐԱԲԵՐՈՒԹՅՈՒՆՆԵՐԻ ՀԱՍՏԱՏՄԱՆ 25-ԱՄՅԱԿԸ

(Սկիզբը՝ 1-ին էջում)

պատմական հիմքերի եւ ազատության եւ ժողովրդավարության ընդհանուր սկզբունքների վրա:

Իր ուղերձում Հայաստանի արտաքին գործերի նախարարը նշում է, որ 25 տարին հայ եւ վրացի ժողովուրդների դարավոր տարեգրության համար ընդամենը մի ակն-

թարթ է, սակայն անկախությունը վերականգնած երկու երկրների նորօրյա պատմության մեջ այն բնորոշում է բարիդրացիական միջպետական հարաբերությունների հաստատմանն ու կայացման կարեւորագույն մի ժամանակաշրջան, որը հարուստ է նշանակալի ձեռքբերումներով ու հաջողություններով:

Էդվարդ Նալբանդյանն

ընդգծում է, որ Հայաստանը շահագրգռված է անել հնարավորը՝ ավանդական կապերի վրա խարսխված հարաբերությունները միասնական ուժերով է՝ ավելի ամրապնդելու ու զարգացնելու ուղությամբ՝ հավելելով, որ երկու երկրների փոխգործակցության ողջ ներուժի բացահայտումը թույլ կտա առավել արդյունավետ օգտագոր-

ծել մեր հնարավորությունները: Հայաստանի արտաքին քաղաքական գերատեսչության ղեկավարը կարեւորում է՝ հայ-վրացական ավանդական հարաբերությունների ամրապնդման գործում վրահայության նշանակալի դերակատարությունը, ովքեր բարեկամության կամուրջ են հանդիսանում երկու երկրների միջեւ:

ՀԱՄԵՐԳ՝ ՆՎԻՐՎԱԾ ԴԻՎԱՆԱԳԻՏԱԿԱՆ ՀԱՐԱԲԵՐՈՒԹՅՈՒՆՆԵՐԻ ՀԱՍՏԱՏՄԱՆ ՀՈՐԵԼՅԱՆԻՆ

(Սկիզբը՝ 1-ին էջում)

սերունդների համար՝ միմյանց հետ ծանոթանալու, ընկերանալու եւ շարունակելու այն եղբայրական հարաբերությունները, որոնք այս տարիների ընթացքում կերտել ենք,- ընդգծեց դեսպանը:


Հայաստանի փոխարտգործնախարար Շավարշ Քոչարյանի խոսքով, վերջին տարիների ընթացքում, երկու երկրների մի-

ջեւ մշակութային ոլորտում ոչ հաճախակի են նման միջոցառումներ կազմակերպվել, եւ այժմ փորձ է արվում այդ բացը լրացնել:

- Իհարկե, հայ-վրացական քաղաքական, տնտեսական ոլորտում համագործակցությունը բարձր մակարդակի վրա է, բայց մշակույթը նույնպես շատ կարեւոր է, որովհետեւ ժողովուրդները միմյանց ճանաչում են հենց իրենց մշակույթով,- ասաց



Քոչարյանը:



ԱՄՆ

ԸՆԴՈՒՆՎԵՑ ՈՌԻՍԱՍՏԱՆԻ ՆԱՏՄԱՍԲ ՊԱՏՃԱՄԻՋՈՑՆԵՐԻ ԽՍՏԱՑՄԱՆ ՕՐԻՆԱՆԱԽԱՎԳԻԾ

Հուլիսի 27-ին, ԱՄՆ-ի Կոնգրեսի Սենատը հավանություն տվեց այն օրինագծին, որը նախատեսում է ամերիկյան պատժամիջոցների խստացում Ռուսաստանի, Իրանի եւ ԿԺԴՀ-ի նկատմամբ: Օրինագծի ընդունման օգտին տրվել է 98 ձայն:

Քանի որ հուլիսի 26-ին նույն օրինագծի օգտին քվեարկել էր Ներկայացուցիչների պալատի անդամների մեծամասնությունը (419՝ ընդդեմ 3-ի), փաստաթուղթը, որն ստացել է «Պատժամիջոցներով Ամերիկայի հակառակորդներին հակազդելու մասին օրենք» անվանումը, կդրվի Դոնալդ Թրամփի աշխատանքային սեղանին: Սպիտակ տունը վերջին օրերին ազդանշաններ էր տվել, որ ԱՄՆ-ի նախագահը հավանություն է տալիս հիշյալ երեք պետությունների դեմ սահմանափակիչ միջոցների խստացմանը, սակայն որոշում կընդունի այն բանից հետո, երբ ծանոթանա օրինագծի վերջնական տարբերակին:

ՈՒԿՐԱԻՆԱ

ՄԻՒՆԵԻԼ ՍԱԱԿԱՇՎԻԼԻՆ ԶՐԿՎԵԼ Է ՈՒԿՐԱԻՆԱՅԻ ՔԱՂԱՔԱՑՈՒԹՅՈՒՆԻՑ

Հուլիսի 26-ին Ուկրաինայի նախագահ Պյոտր Պորոշենկոն հրամանագիր է ստորագրել Վրաստանի նախկին նախագահ, Օդեսայի նախկին նահանգապետ Միխեիլ Սաակաշվիլուն Ուկրաինայի քաղաքացիությունից զրկելու մասին:

«Սաակաշվիլուն վերաբերող նյութերը տրամադրվել են Ուկրաինայի գլխավոր դատախազության կողմից, մշակվել են Ուկրաինայի պետական միգրացիոն ծառայության կողմից եւ ուղղվել են Ուկրաինայի նախագահին կից քաղաքացիության հարցերով հանձնաժողովին: Դրանք սահմանված կարգով քննարկվել են հանձնաժողովի միջոցով»,- ասված է Ուկրաինայի նախագահի աշխատակազմի տարածած հաղորդագրության մեջ:

Ինչպես հայտարարեց Վրաստանի նախկին նախագահի փաստաբան Պավել Բոգոմազովը, Ուկրաինայի քաղաքացիությունից զրկելու մասին Ուկրաինայի նախագահ Պյոտր Պորոշենկոյի որոշումը կբողոքարկվի դատարանում: Իսկ ինչ վերաբերում է Միխեիլ Սաակաշվիլուն, ապա, նրա հայտարարությամբ, ինքը մտադիր չէ լքել այդ երկիրը. «Մնալու եմ այստեղ՝ Կիեւում, որեւէ խնդիր չկա: Մնալու եմ Կիեւում՝ առանց քաղաքացիության»,- ասաց Սաակաշվիլին:

ՊԱԿԻՍՏԱՆ

ԿՈՌՈՒՊՑԻԱՅԻ ՊԱՏՃԱՌՈՎ ՎԱՐՉԱՊԵՏԸ ՀԵՌԱՅՎԵԼ Է ԻՇԽԱՆՈՒԹՅՈՒՆԻՑ

Պակիստանի Գերագույն դատարանը հուլիսի 28-ին որոշել է պաշտոնից արձակել երկրի վարչապետ Նավազ Շարիֆին՝ կառավարության ղեկավարի եւ նրա ընտանիքի նկատմամբ կոռուպցիայի կասկածանքների հետաքննության արդյունքներով:

Դատարանը հետաքննությունը նախաձեռնել էր 2016 թվականի ապրիլին Պակիստանի իրավաբանական ֆիրմաներից մեկի փաստաթղթերի հրապարկման առնչությամբ: Դրանցից հետեւում էր, որ Նավազ Շարիֆի երկու որդիները եւ դուստրն առնվազն երեք օժշորային ընկերություններ ունեն, որոնք գրանցված են բրիտանական Վիրգինյան կղզիներում:

Վարչապետի հեռացման որոշումն ընդունվել է միաձայն: Դատարանը որոշել է քրեական հետապնդում սկսել նախկին վարչապետի եւ նրա ընտանիքի նկատմամբ:

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՅՆԵՐԸ

ՄԻՋԱԶԳԱՅԻՆ ՆԱԽԱԳԻԾ

ՎԱՐՍ-ԱՆԱՆՔԱՆՔԻ. ԱՌԱՋԻՆ ԳՆԱՋՔՈՎ ՈՒՂԵՎՈՐՎԵՅԻՆ ՆԱԽԱՐԱՐՆԵՐԸ

Վրաստանի էկոնոմիկայի նախարար Գիորգի Գվախարիան՝ Կարսում հանդիպում ունեցավ Թուրքիայի տրանսպորտի եւ հաղորդակցությունների նախարար Ահմեդ Արսլանի հետ:

Էկոնոմիկայի նախարարության տեղեկատվությամբ, Գիորգի Գվախարիան, Ահմեդ Արսլանի հետ միասին, Կարսից Վրաստան-Թուրքիայի սահման ուղեւորվեց Բաքու-Թբիլիսի-Կարս նախագծով կառուցված երկաթգծով անցած զնացքով:

Արդիականացված զնացքում, որը ապահովում է թուրքական կողմը, կողմերն անցկացրին ընդլայնված հանդիպում, որի ընթացքում քննարկեցին նախագծի ընթացքը եւ խոսեցին դրա մասնակից երկրների տնտեսական հարաբերությունների էլ՝ ավելի խորացման ու զարգացման հարցերի մասին:

Երկու երկրների պատվիրակությունները, ընդլայնված նիստի ավարտից հետո, դիտեցին Վրաստանի տարածքում Ախալքալաքիում, կառուցված վերահսկիչ կետն ու կայարանը, որտեղ արդեն ավարտվել են հիմնական շինարարական աշխատանքները եւ ըն-



թացքի մեջ են ներքին հարդարման աշխատանքները:

Հիշեցնենք, որ, Բաքու-Թբիլիսի-Կարս երկաթգծի վրացական հատվածում, առաջին բեռնատար զնացքաշարն անցավ 2015 թվականի հունվարի 29-ին: Ներկա դրությամբ, վերոնշյալ նախագծի մեծ մասն արդեն ավարտվել է, եւ այն մոտ ժամանակներս կգործարկվի:

ԷԿՈՆՈՄԻԿԱ



ԴՄԻՏՐԻ ՔՈՒՄՍԻՇՎԻԼԻ. «ՏԱՐԵՎԵՐՋԻՆ ՄՊԱՍՎՈՒՄ Է 4 ՏՈԿՈՍԻ ՏՆՏԵՍԱԿԱՆ ԱՃ»

Վրաստանի առաջին փոխվարչապետ, ֆինանսների նախարար Դմիտրի Քումսիշվիլու կանխագծումներով, ելնելով առաջին վեց ամսվա ՀՆԱ իրատեսական աճի ցուցանիշից, տարեվերջին հնարավոր է՝ երկիրը ստանա 4 տոկոսի տնտեսական աճ: Նրա խոսքով, 2017 թվականի հունվար-մայիսին տնտեսական աճը կազմել է 4,5 տոկոս:

յակում, բիզնես հատվածում, աշխատում էր 605 հազար մարդ, ինչը 4,7 տոկոսով գերազանցում է անցյալ տարվա ցուցանիշը: Հաշվետու ժամանակահատվածում արտադրության աճը կազմել է 7,5 միլիարդ լա-

րի, արտադրական շրջանառությունը՝ 15,2 միլիարդ լարի:

Համակարգի բարեփոխման արդյունքում, ընթացիկ տարվա մայիս ամսին, ընկերություններին մնացել է մոտ 120 միլիոն լարի պահուստ: Ըստ Դմիտ-

րի Քումսիշվիլու՝ պետական բյուջեից ենթակառուցային նախագծերի իրականացման համար, հատկացվել է 1143,8 միլիոն լարի, ինչը 269,7 միլիոնով (30,9 տոկոս) գերազանցում է անցյալ տարվա ցուցանիշը:

ԴԻՄԱԿԱՅՈՒԹՅԱՆ ԳՈՏԻ

ԲՈՒՆԱԶԱՎԹՎԱԾ ԳԾԻ ԵՐԿԱՅՆՔՈՎ ՍԿՍՎԵՑ ՊԱՐԵԿՈՒԹՅՈՒՆ



Գործողությունների թվում էր՝ Կասպիի մունիցիպալիտետի Դարափիլա գյուղի հարակից տարածքում, «Ուժը միասնության մեջ է» քաղաքացիական շարժման

Սողացող բռնազավթման դեմ բողոքի ալիքը, բնակչության շրջանում, ահագնանում է: Վերջին ժամանակահատվածում, բռնազավթված գոտու երկայնքով, անցկացվեցին մի քանի գործողություններ:

կողմից իրականացված զգուշացնող խաղաղ բողոքը: Միաժամանակ հատկանշական է, որ հուլիսի 25-ից, բռնազավթված գոտու երկայնքով քաղաքացիական շարժումը, սկսեց շուրջօրյա պարեկություն:

Ինչպես հայտարարեց այդ շարժման ղեկավար, Վրաստանի ռաֆտինգի ազգային ֆեդերացիայի նախագահ Դավիթ

Քացարավան՝ պարեկության նպատակը ռուս սահմանապահների, բռնազավթիչների, ինժեներական խմբերի ժամանակին բացահայտումն է, տազնապի բարձրացումը եւ միջազգային հանրությանը ժամանակին տեղեկատվության փոխանցումը: Նրա խոսքով՝ պարեկություն իրականացնում են երեք մարդուց կազմված չորս խմբեր:

ԵՐԹԵՎԵԿՈՒԹՅՈՒՆ

100 ՄԻՎՈՐԻ ՀԱՄԱԿԱՐԳԻ ՆԵՐՂՐՄԱՄԲ ՃԱՆԱՊԱՐՀՆԵՐՈՒՄ ԱՆԿՏԱՆԳՈՒԹՅԱՆ ՄԱԿԱՐԴԱԿԸ ԲԱՐՁՐԱՑԵԼ Է


Ինչպես արդեն հաղորդել ենք, ընթացիկ տարվա հուլիսի 1-ից ուժի մեջ է մտել վարորդական իրավունքներին շնորհված 100 միավորի համակարգը:

Ինչպես հայտարարեց Վրաստանի ՆԳ փոխնախարար Շալվա Խուցիշվիլին, միավորների համակարգի ներդրումից հետո, անվտանգության տեսանկյունից, բավականին դրական արդյունքներ են վավերացվել:

- Պարեկային ոստիկանությունը, 100 միավորի համակարգի գործարկումից հետո, որոշակիորեն խստացրել է վարչարարությունը, վարորդների կողմից իրավախախտումները, որոնք հաճախ դառնում են ավ-

տոպատահարների պատճառ, զգալիորեն նվազել են,- հայտարարեց Շալվա Խուցիշվիլին եւ հավելեց, որ, միավորների համակարգի ներդրումից հետո, ամենից շատ իրավախախտումներ են նկատվել չորս կատեգորիաներով: Նրա խոսքով՝ վարորդները ամենաշատ տուգանվել են բջջային հեռախոսից օգտվելու, անվտանգու-

թյան ամրագոտիներից չօգտվելու, հոծ գծի խախտման եւ հետիոտների անցումատեղերում՝ ճանապարհային երթեւեկության ճանապարհային կանոնների խախտման համար: Հաշվետու ժամանակահատվածում վավերացվել է 2436 իրավախախտում, որի համար վարորդների միավորները նվազել են 5 միավորով:



ՎԱԿԵՐԱՑՎԵԼ ԵՆ ԵՎՐԱՍԻՈՒ-ԹՅԱՆ ՀԵՏ ԱՆԱՅՑԵԳՐԱՅԻՆ ՊԱՅՄԱՆԱԿԱՐԳԻ 90-ՕՐՅԱ ԺԱՄԿԵՏԻ ԽԱԽՏԱՄԱՆ ՓԱՍՏԵՐ

Մարտի 29-ից, Եվրամիության հետ անայցեգրային պայմանակարգի հաստատումից հետո, անցած ժամանակահատվածում, Վրաստանի 55 հազար քաղաքացիներից 3 հազարը՝ պայմանակարգով սահմանված 90-օրյա ժամկետի սպառումից հետո, չի վերադարձել հայրենիք: Այդ մասին հայտարարեց ՆԳ փոխնախարար Շալվա Խուցիշվիլին:

Նրա խոսքով՝ անձինք, ովքեր չեն վերադարձել, արդեն նույնականացվել են, թեպետ, ներկա դրությամբ, դեռեւս չի կարելի խոսել այն մասին, որ նրանք խախտել են Եվրամիության երկրներում անայցեգրային կարգով գտնվելու 90-օրյա ժամկետը, քանի որ հնարավոր է՝ այդ քաղաքացիներն անցել են այնպիսի երկրներ, ում հետ Վրաստանը պահպանում է անայցեգրային պայմանակարգ:

ԿՈՆՏԵՅՆԵՐՆԵՐՈՎ ԱՊՕՐԻՆԻ ԶԵՎՈՎ՝ ՎԱՆԱՂԱ

30-40 տարեկան վրացի չորս տղամարդ փորձում էին ապօրինաբար Կանադա ուղեւորվել կոնտեյներներում թաքնված: Մաքսայինները նրանց հայտնաբերեցին գրեթե անգիտակից վիճակում: Ենթադրվում է, որ նրանք մեքենաներով լցված կոնտեյներներում անցկացրել են տասներկու օր:

Ինչպես նշում է կանադական «Սթար» թերթը, Վրաստանի քաղաքացիների կյանքին վտանգ չի սպառնում: Բեռնամավր կոնտեյներները Անտվերպենի եւ Համբուրգի նավահանգիստներից տեղափոխում էին Կանադա:

Համբուրգի նավահանգստից բեռնամավր ուղեւորվեց հուլիսի 10-ին, իսկ մաքսային ծառայության աշխատակիցները «փախստականներին» հայտնաբերեցին հուլիսի 20-ին, նավի բեռնաթափման եւ կոնտեյներների բացումից հետո:

ԶԵՐԲԱԿԱԼՎԵԼ Է «ՄԱՆԿԱԿԱՆ ԱՇԽԱՐՀԻ» ՏՆՕՐԵՆԸ

Դատախազության աշխատակիցները, հակաիրդեհային անվտանգության կանոնների խախտման համար, ձերբակալել են «Մանկական աշխարհ» բաժնետիրական ընկերության տնօրեն Գ.Մ.-ին, ինչպես նաեւ՝ ներքին անվտանգության աշխատակցին:

Հիշեցնենք, որ, Թբիլիսիի կայարանի հրապարակում գտնվող «Մանկական աշխարհ» քառահարկ առևտրակենտրոնում, հրդեհը բռնկվեց հունվարի 30-ին, որի արդյունքում չենքը լրիվությամբ ոչնչացավ: Ընդհանուր առմամբ, այրվել էր 13 հազար քառակուսի մետր տարածք:

ՏԱՐԱԴԱՄԻ ՓՈԽԱՆԱԿԱՆ ԿՈՒՐՍԸ (28 Հուլիսի)

Ազգային բանկի կողմից սահմանվել է տարադրամի հետեյալ կուրսը.

ՏԱՐԱԴԱՄ	ԱՌՔ	ՎԱՃԱՌՔ
ԱՄՆ ԴՈԼԱՐ	2.366	2.426
ԵՎՐՈ	2.760	2.840
ՌՈՒՐԼԻ	0.0383	0.0423
ԴՐԱՄ	0.0035	0.0053

Հուլիսի 21-ի համեմատ, դրվարի կուրսը մնացել է անփոփոխ:



ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ԱՐԺՈՒՅԹԻ ՄԻՋԱԶԳԱՅԻՆ ՀԻՄՆԱԴՐԱՄԻ ՓՈՐՁԱԳԵՏՆԵՐԸ՝ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆՈՒՄ

Վրաստանի ֆինանսների նախարարության եկամուտների ծառայությունը հյուրընկալել է Արժույթի միջազգային հիմնադրամի փորձագետներին:

Հանդիպումներում քննարկվեցին եկամտահարկի հարկադրման, բարեփոխման հետ առնչվող հարցեր: Համդիպումներում ճշվեց, որ հարկ է ակտիվացնել համագործակցությունը եկամուտների ծառայության ու Արժույթի մի-

ջազգային հիմնադրամի միջև: Վերջինս, նախօրոք համաձայնեցված եռամյա համաձայնագրի պայմաններում, ստանձնել է տեխնիկական հագեցվածության մակարդակի բարձրացման պատասխանատվությունը:

Միջազգային փորձագետների ներկայիս այցի նպատակն է՝ բարելավել եկամուտների ծառայության տվյալների մշակման եւ կառավարման տեղեկատվական համակարգը եւ արդյունավետորեն իրականացնել եկամտահարկի վարչարարությունը: Նշենք, որ եկամտահարկի հարկադրման նոր կարգը ուժի մեջ է մտել 2017 թվականի հունվարի 1-ից:

ՀԱՄԱՅՆՔ

(Սկիզբը՝ 1-ին էջում)

վացվում» ծայրամասային վիճակում:

Բայց խնդիրն իր հետ բերեց նաեւ լուծման ճանապարհը: Ջարգացման եվրոպական մոդելն ընտրած Վրաստանը՝ ձգտում է խնդիրները լուծել եվրոպական ճանապարհով: Մի կողմից, Վրաստանն աշխարհում առաջին երկիրն է պետական հայկական դպրոցների թվով, դրանք 130 են, մինչդեռ «մեր ռազմավարական դաշնակիցը» նույնիսկ մեկը չի բացում: Դրա հետ մեկտեղ, դպրոցներում սովորում են վրացերեն, բացի դրանից, գործում են վրացերենի ուսուցման պետական կենտրոններ: Հետխորհրդային ժամանակաշրջանում բացված Սամցխե-Ջավախեթիի պետական համալսարանում ուսուցումը վրացերենով է, որպեսզի շրջանավարտները կարողանան իրենց տեղը գտնել Վրաստանի աշխատանքային շուկայում՝ լինի դա պետական համակարգում, թե մասնավոր հատվածում: Ընդ որում, լեզվական քաղաքականության խնդիրների կարգավորմանը լայնորեն ներգրավված են եվրոպական կառույցները, մասնավորապես՝ Եվրախորհուրդը (ԵԽ): Երկլեզու՝ հայերեն եւ վրացերեն «Գործնական ուղեցույց-գրքույկն ընտանիքների համար» հրատարակված է ԵԽ հովանու ներքո, եւ այնտեղ նշված են բոլոր 130 հայկական դպրոցների հասցեները, ընդունելության կարգը: Տարածաշրջանում գործում է պետական եւ մասնավոր հայալեզու մեդիա՝ հեռուստատեսություն, ռադիո, առցանց ՁԼՄ-ներ:

Սակայն, խոսքը չի գնում եւ չի կարող գնալ իդեալական վիճակի մասին, Վրաստանը, ինչպես եւ Հայաստանը, ոչ թե զարգացած, այլ զարգացող երկիր է, եւ մեծ է տարբերությունը կենտրոնի՝ Թբիլիսիի եւ մարզերի միջեւ: Ջավախեթին այդ իմաստով բացառություն չի կազմում: Եվ բնականաբար, զարգացման տեմպերը, առկա պայմանները չեն բավարարում տեղի բնակչությանը, եւ ոչ միայն հայերին, կա «կենտրոնից անտեսվածության» խնդիրը՝ կապված սոցիալ-տնտեսական հարցերի հետ, այնպես, ինչպես Հայաստանի մարզերում, բարդ ռելիեֆով տարածաշրջանում ավտոճանապարհները զգալի չափով դեռ հեռու են բավարար լինելուց:

Անկախության անցած ավելի քան քառորդ դարը թույլ տվեց հայերին եւ վրացիներին էապես հաղթահարել հետխորհրդային վաղ շրջանի «մանկական հիվանդությունները», որոնք ուղեկցում էին ազգային ինքնության զարթոնքը: Ներկայիս ավելի «պրոգրայիկ» ժամանակաշրջան մենք թեւակոխել ենք, ձեռք բերելով գրեթե երեք տասնամյակների փորձ, թե ինչպես կառուցել համակեցությունը՝ հենված օրենքի ու ազատության եւ արդարության արժեքների վրա, ինչպես թույլ չտալ, որպեսզի նեոկայսերական մշտական խափանարար փորձերը հաջողեն, այլ՝ շարունակեն մնալ անարդյունք: Սա շատ բանկ եւ անհրաժեշտ փորձ

ԶԱՎԱԽԱՆՈՒՄԻ ԻՆՏԵՐՄԱՆ ԳՈՐԾԵՆԹԱՅԸ ՀԱՋՈՂ Է ԸՆԹԱՆՈՒՄ

է, որին, ըստ արժանվույն, գնահատական կան դեռ կտրվի ապագայում, սակայն, ոչ բավարար առաջ գնալու համար:

Վրաստանում եւ ընտրել է ՆԱՏՕ-ին ու Եվրամիությանն ինտեգրվելու ուղին, եւ դրան համահունչ վերակառուցում ու վերակազմակերպում է հասարակական եւ պետական ինստիտուտներ: Հայաստանն ու հայերը, եվրոպական քաղաքակրթության անբաժանելի մասը լինելով, բնականոն զարգացման ճանապարհին այլընտրանք չունեն, քան ամենասերտ հարաբերություններ հաստատել Վրաստանի հետ: Բացի աշխարհագրական, ավանդական եւ պատմական նախադրյալներից, անկախ Վրաստանը միակ հարեւանն է, որի հետ Հայաստանը կիսում է ընդհանուր արժեքներ՝ չնայած հայտնի բացերին եւ թերություններին, որոնք առկա են թե՛ մեզ մոտ, թե՛ Հայաստանում: Եվ այնպես չէ, որ ջավախահայությունն այս դասավորության մեջ միայն «ստացողի» կամ «օգտվողի» դերում է:

Ջավախքը մեծ ներուժ ունի՝ ինտեգրվելու Վրաստանի հասարակական-քաղաքական դաշտում եւ իր ուրույն դերն ունենալու Վրաստանի արդիականացման, եվրոպական ու եվրատլանտյան ինտեգրման քաղաքականության մեջ: Նախ՝ մոռացեք Ռուսաստանը. այն դուրս է այլեւս թե՛ տրամաբանությունից, թե՛ քաղաքական կոնտեքստից, թե՛ ընդհանրապես իմաստից ու բանականությունից: Վրաստանը, ինչպես եւ ջավախահայությունը, ստացել է ԵՄ հետ ազատ առեւտրի եւ առանց անցագրի ռեժիմ, ինչը լայն հնարավորություններ է բացել զարգացման համար ու թույլ է տալիս կասեցնել արտագաղթը դեպի Ռուսաստան, ինչն ուղղակի Հայաստանի պես արյունաքան է անում տարածաշրջանը, զրկում հայրենիքից տասնյակ հազարավոր մարդկանց, իսկ ապագան դնում հարցականի տակ:

Սակայն, այս ուղղությամբ մեծ ջանքեր են պահանջվում, եւ քաղաքական թրեմդի մեջ «տեղավորվելու» խնդիր կա: Սա մարտահրավեր է, որը հաղթահարելը հնարա-



հայերի ուղին մեկն է. դառնալ Վրաստանի լիիրավ եւ օրինակելի քաղաքացիներ՝ լիարժեքորեն տիրապետել վրացերենին ու անգլերենին եւ ձգտել հաջողության Վրաստանի հասարակական-քաղաքական ու տնտեսական դաշտում՝ առաջնորդվելով պետական մտածողությամբ, դառնալ օրինակելի հարկատու եւ զինապարտ, օրինակելի ու ակտիվ, շահագրգիռ ընտրող, բոլոր մակարդակների ընտրությունների ակտիվ մասնակից, արդիականացնել տեղական հասարակական-քաղաքական ինստիտուտները, համաձայն Տեղական ինքնակառավարման եւ Տարածաշրջանային լեզուների եվրոպական խարտիաների ու Վրաստանի օրենսդրության: Բացի դրանից, տարածաշրջանի քաղաքացիական հասարակությունը պետք է է՛լ ավելի մեծացնի ջանքերը, որպեսզի ավելի լայն մասնակցություն ունենա Վրաստանում գործող համապետական, եվրոպական եւ ամերիկյան ծրագրերին՝ բոլոր ոլորտներում: Դրանից կշահեն թե՛ Վրաստանը, թե՛ ջավախահայերը, իսկ ընդհանրապես, որպես բանաձեւ, այն, ինչ լավ է Վրաստանի համար՝ լավ է հայերի եւ Հայաստանի համար, Վրաստանի հաջողությունը բացում եւ բաց է պահում Հայաստանի հաջողության ճանապարհը: Վրաստանում, այդ թվում՝ Ջավախքում, 2003-ից հետո մեծածավալ աշխատանք է կատարվել ենթակառուցվածքների զարգացման ուղղությամբ, սակայն անելիքները դեռ շատ-շատ են: Մյուս կողմից՝ Հայաստանի կողմից պահանջվում է քաղաքական կամք եւ նախաձեռնողականություն, որպեսզի կյանքի կոչվեն Իրան-Հայաստան-Վրաստան համատեղ նախագծերը, որոնք կկապեն Պարսից ծոցը Սեւ ծովին: Վրաստանը մի քանի տասնյակ միլիոն դոլար է նախատեսում Ախալցխե-Բաթումի

ավտոմայրուղու կառուցման համար, սակայն պարզ է, թե այդ ճանապարհի նշանակությունն ինչպիսին կլինի, եթե այն դառնա Հյուսիս-Հարավ միջանցքի բաղկացուցիչը:

Առանձին արժե անդրադառնալ այս համատեքստում Արեւմուտքի Հայկական սփյուռքին, հատկապես՝ ԱՄՆ-ի եւ Ֆրանսիային: Անկախությունից ի վեր Հայաստան-Սփյուռք հարաբերությունների շուրջ բանավեճերը չեն դադարում, խոսվում է բազմաթիվ խնդիրներից, այդ թվում՝ Հայաստանում կոռուպցիայի, Սփյուռքին «կթան կովի» պես վերաբերվելու, բիզնեսին ազատություն չապահովելու եւ այլն: Այնպես է ստացվել, որ, ի տարբերություն Հայաստանի, ԱՄՆ-ը եւ Ֆրանսիան Վրաստանի հետ ունեն միջպետական ռազմավարական հարաբերություններ, որոնք ներառում են թե՛ անվտանգությունը եւ պաշտպանական ոլորտը, թե՛ տնտեսական կապերն ու ներդրումները: Վրաստանն իր կողմից այդ հարաբերությունները համարում է կենսական կարեւորության: Եվ ժամանակն է, որպեսզի ԱՄՆ-ի եւ Ֆրանսիայի հայկական շրջանակների համար նույնպես հասու լինի վերը նշված բանաձեւը. այն, ինչ օգուտ է Վրաստանին՝ օգուտ է Հայաստանին, իսկ տվյալ դեպքում՝ ուզում ես օգտակար լինել Հայաստանին՝ օգտակար եղիր Վրաստանին եւ Ջավախեթին:

Արժի հիշեցնել նաեւ, որ, հուլիսի վերջին, Վազգանիի վրացական ռազմաբազայում տեղի են ունենալու ՆԱՏՕ-ի՝ «Արժանապատիվ գործընկեր-2017» բազմազգ զորավարությունները, որին մասնակցելու է նաեւ Հայաստանի Ձիմված ուժերի ստորաբաժանումը...

Այս իմաստով արված է առաջին փորձի, բայց կարելու քայլը. ս.թ. հուլիսի սկզբին Ախալցխե եւ Ախալքալաքի այցելեց ԱՄՆ Կալիֆոռնիա նահանգի Գլենդեյլ քաղաքի նախկին քաղաքապետ, ներկայումս հինգ հոգուց բաղկացած քաղաքային խորհրդի անդամ Ջարեհ Սինանյանը: Վրացական կողմից նրան ջերմորեն ընդունեցին երկրի խորհրդարանի եւ տեղական խորհուրդների (սակրեթուլո)՝ Սամցխե-Ջավախեթիի ընտրված պատգամավորները, ջավախքահայության երիտասարդության, քաղաքացիական հասարակության, հոգեւորականության ներկայացուցիչներ, գործարարներ, կրթական ոլորտի ներկայացուցիչներ, Ախալցխեի քաղաքապետը եւ քաղաքապետարանի ներկայացուցիչներ, բազմաթիվ հայեր ու վրացիներ:

Իսկ այցի «ուղերձի» գլխավոր բաղկացուցիչը հետեւյալն է. ԱՄՆ Հայկական սփյուռքում կա՝ հատված, որը պատրաստ է ներդրում ունենալ ԱՄՆ-Վրաստան հարաբերություններում, ներգրավել այդ գործում ու կարեւորել ջավախահայության դերը, եւ կա այն գիտակցումը, որ հենց այդպիսի մոտեցումն է՝ ի շահ վաղվա եվրոպական Հայաստանի եւ եվրոպական Վրաստանի:

ՌՈՒԲԵՆ ՄԵՐՈՐԱՅԱՆ

ԱՌՈՂՋԱՊԱՐՈՒԹՅՈՒՆ

ԱՄԻՐԱՆ ԳԱՄՐԵԼԻՁԵ. «ԵՐԿՐՈՒՄ ՇՈՒՐՋ 110 ՀԱՋԱՐ ՄԱՐԴ ՏԵՂՅԱԿ ՉԷ, ՈՐ ՎԱՐԱԿԱԾ Է Ը ՀԵՊԱՏԻՏՈՎ»

Վրաստանի հիվանդությունների վերահսկողության հասարակական առողջապահության կենտրոնի ղեկավար Ամիրան Գամդրելիձեն հատուկ հրավիրված մամուլ ասուլիսում հայտարարեց, որ Վրաստանում շուրջ 110 հազար մարդ տեղյակ չէ, որ վարակված է C հեպատիտով:

Մամուլ ասուլիսը հրավիրվել էր C հեպատիտի համաշխարհային օրվա՝ հուլիսի 28-ին նվիրված շաբաթվա շրջանակներում:

Ինչպես հայտարարեց կենտրոնի ղեկավարը, Վրաստանում C հեպատիտով քրոնիկ վարակված է մոտ 150 հազար մարդ, որից շուրջ 100-110 հազարը դրա մասին տեղեկություն չունի: Նրա խոսքով, շաբաթվա շրջանակներում տարածաշրջաններում ցանկացողները կարող են անցնել անվճար ստուգում:

Ամիրան Գամդրելիձեի խոսքով, C հեպատիտով հիվանդ 150

հազարից 40 հազարը բուժման կուրսն անցել է պետության ֆինանսավորմամբ եւ արդեն բուժվել է:

- 40 հազարից, ովքեր դիմել են բժշկական հաստատությունների, 80 տոկոսը տեղյակ է, որ հիվանդ է C հեպատիտով, իսկ 20 տոկոսի մոտ հիվանդությունը բացահայտվեց ստուգումից հետո: Մենք մարդկանց հնարավորություն ենք ընձեռում դյուրին թեստերի միջոցով բացահայտել C հեպատիտի առկայությունը օրգանիզմում,- հայտարարեց Ամիրան Գամդրելիձեն եւ հավելեց,

որ ստուգումն ու բուժումն անվճար է:

- Պետությունը նաեւ մասնակիորեն ֆինանսավորում է խորացված ախտորոշումը եւ ստուգման փուլը, որն անվճար է գործազուրկների համար, իսկ մյուս բոլոր դեպքերում՝ պետությունը ֆինանսավորում է արժեքի շուրջ 30 տոկոսը,- ընդգծեց Գամդրելիձեն:

Ամիրան Գամդրելիձեն նշեց նաեւ, որ, C հեպատիտի շաբաթվա շրջանակներում, հակիրճ հաղորդագրություն է առաքվել շուրջ կես միլիոն մարդու:

- Դրանք հիմնականում 30-60 տարեկան տղամարդիկ են, այսինքն այն խումբն է, որ տեղեկությունացված են վարակվածների 50 տոկոսը: Հակիրճ հաղորդագրության մեջ նշված է, թե, ինչ է C հեպատիտը, եւ որտեղ կարող են դրանից բուժվել: C հեպատիտի ստուգումներն ու բուժումն իրականացվում են ողջ Վրաստանի մասշտաբով: Վրաստանի բոլոր տարածաշրջաններում եւ մունցիպալիտետներում գործում են նախարարության շարժական կենտրոնների, հասարա-



կական առողջապահության բրիգադներ,- հայտարարեց Գամդրելիձեն եւ հավելեց, որ շաբաթվա միջոցառումներն անցկացվում են՝ «C հեպատիտը բուժվող հիվանդություն է» կարգախոսով:

Նշենք, որ, Վրաստանում երկամյա նախնական տվյալներով, վավերացվել է C հեպատիտի 98 տոկոսով բուժման ցուցանիշը: Բուժում է անցել մոտ 40 հազար մարդ: